

Պատկերներ բոլոր երկրների, միացե՛ք

ՀԿՊ ԿՆՆՏԿՈՄԻ
ՊՐՈՊԱԳԱՆԴԱՅԻ ԵՎ
ԱԳԻՏԱՅԻԱՅԻ ԲԱԺԻՆ

ԱԳՐԱՄԱԿՐԻ ԲԼՈԿՆՈՏ

№ 19

ՀՈԿՏԵՄԲԵՐ

1957

ОБЯЗАТЕЛЬНЫЙ
ЭКЗЕМПЛЯР

ՌՈՎԱՆԴԱԿՈՒԹՅՈՒՆ

62

ՆՅՈՒԹԵՐ ԶԵԿՈՒՅՈՒՄՆԵՐԻ ՀԱՄԱՐ

Հոկտեմբերյան Սոցիալիստական Մեծ ռեոլյուցիայի 40 տարին 1

ՕԳՆՈՒԹՅՈՒՆ ԱԳԻՏԱՏՈՐՆԵՐԻՆ

Քեմաներ և գրականություն Հոկտեմբերյան ռեոլյուցիայի 40-ամյակի մասին ագիտատորների զրույցների համար 45

Խմբագրության հասցեն.— Երևան, ՀԿՊ Կենտկոմ, II հարկ, 60-րդ սենյակ: Հեռախոս՝ 2—52—78:

6038-Ա-7.

ՆՅՈՒԹԵՐ ԶԵԿՈՒՅՈՒՄՆԵՐԻ ՀԱՄԱՐ


ՀՈԿՏԵՄԲԵՐՅԱՆ ՍՈՑԻԱԼԻՍՏԱԿԱՆ ՄԵԾ ՌԵՎՈԼՅՈՒՅԻԱՅԻ 40-ՏԱՐԻՆ

1957 թվականի նոյեմբերի 7-ին, Սովետական Միության, սոցիալիզմի լագերի երկրորդի աշխատավորները և ամբողջ աշխարհի պրոգրեսիվ մարդկությունը նշելու են Հոկտեմբերյան Սոցիալիստական Մեծ ռեոլյուցիայի պանծալի 40-ամյակը:

Քառասուն տարի առաջ, մեր երկրի բանվոր դասակարգը, դաշինք կնքած չքավոր գյուղացիության հետ, Կոմունիստական պարտիայի ղեկավարությամբ, ռեոլյուցիայի մեծ առաջնորդ Վ. Ի. Լենինի գլխավորությամբ տապալեց կալվածատերերի ու կապիտալիստների սիրապետությունը և ստեղծեց բանվորների ու գյուղացիների աշխարհում առաջին սոցիալիստական պետությունը:

Հոկտեմբերյան ռեոլյուցիայի հաղթանակի ճանապարհին կարևորագույն պատմական էտապ էր փետրվարյան բուրժուա-դեմոկրատական ռեոլյուցիան և պարտիայի վիթխարի աշխատանքի հետագա ամբողջ շրջանը,

4341-57



ընդհուպ մինչև պրոլետարիատի դիկտատու-
րայի հաստատումը:

Լենինը գտնում էր, որ սոցիալիստական
ռևոլյուցիայի զարգացումը կարող է ընթանալ
խաղաղ ճանապարհով, և բուլշևիկների պար-
տիան ռևոլյուցիայի խաղաղ զարգացման
գիծ էր վարում: Սակայն կալվածատերերն ու
բուրժուազիան, օգտագործելով մենշևիկների
ու էսենների դավաճանությունը, իրենց ձեռ-
քը գցեցին իշխանությունը և զինված արշա-
վանք սկսեցին ռևոլյուցիոն ժողովրդի դեմ:

1917 թվականի հուլիսյան դեպքերից հետո
փոխված իրադրության և դասակարգային
ուժերի փոխհարաբերակցությանը համապա-
տասխան, պարտիան փոխեց իր տակտիկան
և զինված ապստամբության կուրս վերցրեց:
Պարտիայի 6-րդ համագումարը վճռական
հակահարված տվեց տրոցկիստներին, բու-
խարինականներին, լենինիզմի ու ռևոլյու-
ցիայի բոլոր հակառակորդներին, որոնք հան-
դես էին գալիս սոցիալիստական ռևոլյուցիա-
յի կուրսի դեմ, խոր և բազմակողմանիորեն
հիմնավորեց պարտիայի քաղաքական գիծը՝
զինված ապստամբության նախապատրաստ-
ման և պրոլետարիատի դիկտատուրայի հաս-
տատման համար, պարտիային և բանվոր դա-
սակարգին զինեց սոցիալիստական ռևոլյու-
ցիայի հաղթանակի մարտական ծրագրով:

— 2 —

Հաղթահարելով հակառևոլյուցիայի, ինչ-
պե՛ս նաև կապիտուլյանտների ու թերահա-
վատների (Զինովև, Կամենև) կատաղի դիմա-
դրությունը, Կոմունիստական պարտիան
բանվոր դասակարգին և աշխատավոր գյու-
ղացիությանը գրոհի տարավ բուրժուազիայի
դեմ և ապահովեց ռևոլյուցիայի հաղթանակը:
Ռևոլյուցիայի հաղթանակի հաջորդ օրը Սո-
վետների Համառուսական երկրորդ համա-
գումարի ամբիոնից հնչեց և ամբողջ աշխար-
հով մեկ տարածվեց բոլոր երկրների պրոլե-
տարների և աշխատավոր մասսաների առաջ-
նորդ Վ. Ի. Լենինի ձայնը՝ մարդկության
պատմության մեջ նոր դարագլխի՝ կապի-
տալիստական ստրկությունից բոլոր աշխա-
տավորների ազատագրման և սոցիալիզմի
դարագլխի սկսվելու մասին:

Իրականացնելով հաղթական սոցիալիս-
տական ռևոլյուցիան, Կոմունիստական
պարտիան մեր երկիրը փրկեց ազգային
կործանումից, նրան ազատեց համաշխարհա-
յին իմպերիալիզմից կախում ունեցող կիսա-
գաղութային երկրի վիճակից և սովետական
ժողովրդին դուրս բերեց մարդկության պատ-
մության մեջ դեռևս շտեպնված սոցիալիստա-
կան վերափոխումների լայն ճանապարհը:
Հոկտեմբերյան ռևոլյուցիայի հաղթանա-
կի շնորհիվ պատմության մեջ առաջին ան-

— 3 —

գամ ժողովուրդը դարձավ իր երկրի տերը, ֆարրիկաները, գործարանները, երկաթուղիները, հողը և նրա ընդերքը դարձան աշխատավորների սեփականությունը: Հոկտեմբերյան ռևոլյուցիան պատմության մեջ առաջին ռևոլյուցիան է, որն աշխատավորներին տվեց ոչ միայն քաղաքական ու տնտեսական իրավունքներ, այլև նյութական բարիքներ, նրանց համար բացեց ազատ ու երջանիկ կյանքի ուղին, վերջ տվեց մարդու կողմից մարդու շահագործման, ամեն տեսակ սոցիալական ու ազգային ճնշման: Սովետական մարդիկ իրավամբ հպարտանում են այն բանով, որ իրենց բախտ վիճակվեց նոր դարագլուխ բացելու մարդկության պատմության մեջ:

Վ. Ի. Լենինը գրել է. «...մենք իրավունք ունենք հպարտանալու և հպարտանում ենք նրանով, որ մեզ երջանկություն բաժին ընկավ սկսելու Սովետական պետության կառուցումը, սկսելու դրանով համաշխարհային պատմության նոր դարաշրջան, այն նոր դասակարգի տիրապետության դարաշրջանը, որը ճնշված է բոլոր կապիտալիստական երկրներում և ամենուրեք գնում է դեպի նոր կյանք, դեպի հաղթանակ բուրժուազիայի դեմ, դեպի պրոլետարիատի դիկտատուրան, դեպի մարդկության ազատագրումը կապիտալի

— 4 —

թից, իմպերիալիստական պատերազմներից» (Լենին, Երկեր, հատոր 33, էջ 42):

Ահա թե ինչու ռևոլյուցիայի հաղթանակից անմիջապես հետո սովետական պետության շուրջը սկսեցին համախմբվել և միավորվել կապիտալիզմի դեմ, հանուն սոցիալիզմի և դեմոկրատիայի, իրենց ազգային ազատագրության համար պայքարող բոլոր ուժերը: Բայց տապալված շահագործող դասակարգերը, միջազգային իմպերիալիզմի օգնությամբ և գլխավորությամբ քաղաքացիական պատերազմի հորձանուտի մեջ քաշեցին սովետական երիտասարդ ռեսպուբլիկան, նպատակ ունենալով իր բնի մեջ խեղդել, թույլ չտալ, որ նա ոտքի կանգնի և ամրանա: Հին աշխարհի բոլոր զառամած ուժերը, միջազգային իմպերիալիզմը, ներքին հակառակույցի միավորվեցին և խաչակրաց արշավանք սկսեցին մեր երկրի դեմ, հյուսիսից և հարավից, արևմուտքից ու արեւելքից նրան շրջափակելով ռազմաճակատների կրակե օղակի մեջ:

Սովետական մարդիկ անհավասար պայքարում անասելի դժվարություններ հաղթահարելով ջախջախեցին սպիտակգլարդիականների և ինտերվենտների միացյալ ուժերը, հերոսաբար պաշտպանեցին իրենց

— 5 —

Հայրենիքը՝ աշխարհում առաջին սոցիալիստական պետութիւնը:

Սովետական ժողովուրդը Կոմունիստական պարտիայի ղեկավարութեամբ ձեռնամուխ եղավ խաղաղ, սոցիալիստական շինարարութեան, տնտեսապէս հետամնաց Ռուսաստանը առաջավոր, հզոր սոցիալիստական տնտեսութեան վերածելու՝ Վ. Ի. Լենինի մշակած և գիտականորեն հիմնավորած ծրագրի, մեր երկրում սոցիալիզմի և կոմունիզմի կառուցման հանձարեղ պլանի կենսագործմանը: Այդ ծրագիրը նախատեսում էր՝ երկրի սոցիալիստական ինդուստրացում, ծանր արդյունաբերութեան բազմակողմանի զարգացում, ամբողջ ժողովրդական տնտեսութեան էլեկտրիֆիկացում, սոցիալիստական հիմունքներով երկրի գյուղատնտեսութեան վերափոխում, կուլտուրական ռևոլյուցիայի իրականացում:

Պարտիայի Կենտրոնական Կոմիտեն, որին գլխավորում էր Վ. Ի. Լենինը, իսկ նրա մահից հետո, Ի. Վ. Ստալինը, հաղթահարեց բոլոր դժվարութիւնները, ընկճեց դասակարգային թշնամիների դիմադրութիւնը, գաղափարապէս մերկացրեց ու ջախջախեց պարտիայի ներսում եղած հակալենինյան խմբերը, կազմակերպեց բանվոր դասակարգին ու աշխատավոր գյուղացիութեանը և նրանց

տարավ սոցիալիստական հասարակարգի կառուցման լենինյան ուղիով: Իր առջև չունենալով օրինակներ ու նմուշներ, չվախենալով ձախորդութիւններից ու դժվարութիւններից, սովետական ժողովուրդը համարձակ կերպով և վստահորեն ընթացավ նոր կյանքի կառուցման անժանոթ ճանապարհներով, հարթեց ամբողջ մարդկութեան պայծառ ապագայի ուղին, հաջողութեամբ կառուցեց սոցիալիզմ և այժմ վստահորեն առաջ է ընթանում դեպի կոմունիզմ:

ՍՍՌՄ-ում սոցիալիստական շինարարութիւնը, սովետական մարդկանց խաղաղ քաղաքացիական աշխատանքը ընդհատվեց մեր երկրի վրա ֆաշիստական Գերմանիայի ուխտադրութ, ավազակային հարձակման հետևանքով: Ֆաշիստական հորդանների ներխուժումը նախապատրաստվում և հրահրվում էր միջազգային իմպերիալիզմի կողմից:

Սովետական Միութիւնը բազմիցս առաջարկել է ԱՄՆ-ին, Անգլիային և Ֆրանսիային միացյալ ուժերով հակահարված տալ ֆաշիստական զավթիչներին, բայց նրանք ոչ միայն մերժեցին այդ առաջարկները, այլև հակառակ իրենց ժողովուրդների շահերին, սկսեցին ակտիվորեն պաշտպանել և զինել ֆաշիզմը, միլիարդավոր դուլարներ ծախսել այդ նպատակի համար, ամեն կերպ աշխա-

տելով նրան հրել դեպի Արևելք։ Դրանով ԱՄՆ-ի, Անգլիայի և Ֆրանսիայի իմպերիալիստները շատ հեռու գնացող նպատակներ էին հետապնդում։ Նրանք հույսով էին, որ դաժան պատերազմում իրենց գերմանական մրցակիցները կթուլանան, ՍՍՌՄ-ը կոչընչացվի կամ արյունաքամ կլինի և իրենք թե՛ հաղթողին և թե՛ պարտվողին իրենց կամքը կթելադրեն։

Սովետական ժողովուրդը միայնակ իր ուսերի վրա կրելով պատերազմի ամբողջ ծանրությունը և ջախջախելով ֆաշիստական հրոսակախմբերին, ձախողեց անգլո-ամերիկյան իմպերիալիստների հրեշավոր պլանները, պատերազմից դուրս եկավ ավելի ուժեղ և ամուր, ավելի հզորացած և միաձուլ։

Հայրենական Մեծ պատերազմում սովետական հերոս ժողովուրդը, նրա պանծալի Բանակի Կոմունիստական պարտիայի ղեկավարությամբ ոչ միայն պաշտպանեցին Հոկտեմբերյան ռեոլյուցիայի մեծագույն նվաճումները, մեր Հայրենիքի ազատությունը, պատիվն ու անկախությունը, այլև եղբայրական օգնության ձեռք մեկնեցին Նվրոպայի ու Ասիայի ժողովուրդներին, նրանց փրկեցին ֆաշիստական ստրկացման սպառնալիքից։

Հետպատերազմյան տարիներին բուժելով պատերազմի ծանր վերքերը և վերացնելով

— 8 —

նրա հետևանքները, սովետական ժողովուրդը շտեմնված կարճ ժամկետում վերականգնեց ժողովրդական տնտեսությունը և առաջ շարժեց էկոնոմիկայի, տեխնիկայի ու կուլտուրայի բոլոր ճյուղերը։ Հաջողությամբ կատարելով ժողովրդական տնտեսության զարգացման 4-րդ և 5-րդ հնգամյա պլանները, Սովետական Միությունը հսկայական չափերով գերազանցեց արտադրության նախապատերազմյան մակարդակը, խոշոր առաջընթաց քայլ կատարեց սոցիալիզմից կոմունիզմին անցնելու ճանապարհին։

Հոկտեմբերյան Սոցիալիստական Մեծ ռեոլյուցիայի 40-րդ տարեդարձը մեր Հայրենիքը դիմավորում է Սովետական Միության Կոմունիստական պարտիայի XX համագումարի պատմական որոշումների կենսագործման համար մղվող համաժողովրդական լարված պայքարի իրադրության մեջ։

Ընդամենը տարի և կես է անցել XX համագումարից, բայց նրա որոշումների մեծ ուժը իր կոնկրետ մարմնավորումն է գտել կոմունիստական շինարարության բոլոր բնագավառներում սովետական ժողովրդի ձեռք բերած նորանոր նվաճումների մեջ։

Պանծալի տարեդարձը արժանավայել է

— 9 —

դիմավորում մեր երկրի հերոսական բանվոր դասակարգը, որն անձնվիրաբար պայքարում է արդյունաբերության բոլոր ճյուղերի հետագա զարգացման, արդյունաբերության ու շինարարության կառավարումն է՝ ավելի կատարելագործելու ուղղությամբ պարտիայի առաջադրանքները կատարելու համար:

Սովետական մարդիկ հպարտանում են սոցիալիստական արդյունաբերության աշխատողների ձեռք բերած վիթխարի հաջողություններով: 1957 թվականին ՍՍՌՄ արդյունաբերական արտադրության ընդհանուր ծավալը 1913 թվականի մակարդակը գերազանցում է 33 անգամ, ընդ որում արտադրամիջոցների արտադրությունը ավելացել է 74 անգամ, իսկ մեքենաշինական և մետաղամշակման արտադրանքի ծավալն 1957 թվականին կաճի 200 անգամ: 1957 թվականի սպառման առարկաների արտադրության ծավալը 1913 թվականի համեմատությամբ կավելանա 13 անգամ:

Արդյունաբերական արտադրանքի ընդհանուր ծավալով Սովետական Միությունը այժմ աշխարհում գրավում է երկրորդ տեղը (ԱՄՆ-ից հետո): Ցարական Ռուսաստանը արդյունաբերական արտադրանքի ընդհանուր ծավալով ԱՄՆ-ից ետ էր մնում 14,5 անգամ, Անգլիայից՝ 4,5 անգամ, Գերմանիո-

— 10 —

յից՝ 5,9 անգամ, իսկ բնակչության մեկ շնչին ընկնող արտադրանքով ետ էր մնում ԱՄՆ-ից՝ 21,4 անգամ, Անգլիայից՝ 14, Գերմանիայից 13 անգամ: Համաշխարհային արդյունաբերական արտադրանքի մեջ Ռուսաստանի բաժինը կազմում էր ընդամենը 2,6 տոկոս: Եթե 1913 թվականին Ռուսաստանն արտադրել է շուգուն՝ 4,2 միլիոն տոննա, պողպատ՝ 4,3 միլիոն տոննա, գլանվածք՝ 3,6 միլիոն տոննա, ապա 1955 թվականին ՍՍՌՄ-ում այնքան շուգուն է ձուլվել, որքան Անգլիայում, Ֆրանսիայում, Բելգիայում, Իտալիայում, Ավստրիայում և Շվեդիայում միասին վերցրած:

1955 թվականին ածխի հանույթը 14 անգամ գերազանցել է 1913 թվականի մակարդակը: Այժմ մեր երկիրը ավելի շատ քարածուխ է արտադրում քան Անգլիան և Ֆրանսիան միասին վերցրած:

Հինգերորդ հնգամյակում պողպատի ձուլման միայն աճը մեզ մոտ կազմել է 18 միլիոն տոննա, որը հավասար է ամբողջ 1955 թվականի ընթացքում Ֆրանսիայի և Իտալիայի արտադրած պողպատին, իսկ Անգլիայում պողպատի ձուլումը 18 միլիոն տոննայով ավելացնելու համար պահանջվեց 63 տարի (1892—1955): Հինգերորդ հնգամյակում ածխի հանույթի միայն աճը 3 անգամ ավել է

ամբողջ 1913 թվականի հանույթից: Նավթի արտադրությամբ ՍՍՌՄ-ը 1938 թվականից սկսած առաջին տեղումն է նվաճել:

Վեցերորդ հնգամյակի միայն մեկ տարվա նավթի հանույթի աճը ավել կլինի ամբողջ նախառևույրուցիոն Ռուսաստանի նավթի հանույթից:

Սոցիալիզմի ու կոմունիզմի կառուցման գործում մեծ է էլեկտրիֆիկացիայի դերը: Դեռևս սովետական իշխանության առաջին տարիներին Վ. Ի. Լենինը գրել է. «Կոմունիզմը՝ դա սովետական իշխանությունն է պլյուս ամբողջ երկրի էլեկտրիֆիկացիան»: 1955 թվականին էլեկտրաէներգիայի արտադրությունը 1920 թվականի համեմատությամբ ավելացել է 340 անգամ: Այժմ մեղմոտ յուրաքանչյուր մեկ օրում այնքան էլեկտրաէներգիա է ստացվում, որքան ստացվել է ամբողջ 1920 թվականի ընթացքում:

1955 թվականին մեր երկիրն ավելի շատ էլեկտրաէներգիա է արտադրել, քան Անգլիայի, Ֆրանսիայի, Շվեդիայի, Դանիայի էլեկտրակայանները միասին վերցրած: ՍՍՌՄ-ն աշխարհում առաջինը կառուցեց ատոմային էներգիայով աշխատող էլեկտրակայանը:

Ծանր ինդուստրիայի առաջնահերթ զարգացման լենինյան գլխավոր գիծը իր վառ

— 12 —

արտահայտությունն է գտել նաև 6-րդ հնգամյա պլանի մեջ: 1960 թվականին մեր երկիրը, 1913 թվականի համեմատությամբ, 40 անգամ ավելի արտադրանք է տալու. այդ նշանակում է, որ յուրաքանչյուր 9 օրում այնքան արդյունաբերական արտադրանք է թողարկվելու, որքան արտադրել է ցարական Ռուսաստանը ամբողջ 1913 թվականի ընթացքում:

Պարտիայի XX համագումարը նշեց, որ այժմ Սովետական Միությունն յննի բոլոր անհրաժեշտ պայմանները, խաղաղ տնտեսական մրցության մեջ պատմական կարճ ժամանակամիջոցում այդ խնդրի լուծման համար: Բավական է նշել, որ 1913—1955 թ. թ. մեկ շնչին ընկնող ամբողջ արդյունաբերական արտադրանքը աճել է ՍՍՌՄ-ում՝ 19,4 անգամ, ԱՄՆ-ում՝ 2,3 անգամ, Անգլիայում՝ 1,6 անգամ, Ֆրանսիայում՝ 1,8 անգամ և այլն:

ՍՍՌՄ հիմնական տնտեսական խնդրի լուծման գործում կարևոր էտապ է հանդիսանում 6-րդ հնգամյա պլանը: Արդյունաբերության արտադրանքի տարեկան միջին աճը կկազմի 10 տոկոս, մինչդեռ այն վերջին 20 տարիների ընթացքում ավելացել է ԱՄՆ-ում՝ 2,8 տոկոսով, Անգլիայում՝ 3,5 տոկոսով, Ֆրանսիայում՝ 2,5 տոկոսով:

— 13 —

Այսպիսով, բնակչության մեկ շնչին ընկնող արտադրանքի տեսակետից Սովետական Միության և ԱՄՆ-ի ու մյուս առավել զարգացած կապիտալիստական երկրների միջև ընկած տարածությունը գնալով կրճատվում է: Ամերիկյան ժողովուրդից մեկը տագնապով հաշվել է, որ ՄՍՌՄ-ը տնտեսական տեսակետից ԱՄՆ-ին կհասնի 15 տարի հետո և նրան իր ետևում կթողնի 20 տարուց հետո:

Իրագործելով Կոմունիստական պարտիայի XX համագումարի որոշումները, սովետական ժողովուրդը 1957 թվականի անցած 9 ամիսների ընթացքում մեծ հաջողությունների է հասել ժողովրդական տնտեսության բոլոր ճյուղերի զարգացման գործում, նոր, առաջընթաց քայլ կատարելով կոմունիզմի նյութա-տեխնիկական բազայի ամրապնդման ճանապարհին: Արդյունաբերական արտադրանքի արտադրության 9 ամսյա առաջադրանքները գերակատարել են բոլոր միութենական ռեսպուբլիկաները:

Դեպի կոմունիզմ մեր առաջընթացի գործում քաջառիկ կարևոր նշանակություն ունի համաժողովրդական հավանություն ստացած արդյունաբերության և շինարարության կառավարման վերակառուցումը:

Այդ վերակառուցումը բարձրացրել է միու-

— 14 —

թենական ռեսպուբլիկաների ու տեղական կազմակերպությունների նախաձեռնությունը, նրանց դերն ու պատասխանատվությունը ժողտնտեսության ղեկավարման գործում: Այն հնարավորություն է տալիս հայտնաբերելու և գործողության մեջ դնելու սոցիալիստական տնտեսության վիթխարի ռեզերվներն ու բնական հարստությունները, դրանք լրիվ կերպով օգտագործելու հօգուտ ժողովրդի, կոմունիզմի կառուցման տեմպերի արագացման:

Պանծալի քառասնամյակը քաղաքական ու աշխատանքային հուժկու վերելքի իրադրության պայմաններում է գիմավորում մեր լայնածավալ Հայրենիքի կոլտնտեսային գյուղի աշխատավորությունը:

Վերջին տարիներին պարտիան մի շարք միջոցառումներ իրագործեց գյուղատնտեսության շեշտակի վերելքի ուղղությամբ: Այդ միջոցառումներից առանձնապես կարևոր նշանակություն ունեցան խամ ու խոպան հողերի յուրացումը, կոլտնտեսությունների ու ՄՏ կայանների ամրապնդումը ղեկավար և մասնագիտական կադրերով, գյուղատնտեսության պլանավորման նոր կարգը, գյուղատնտեսական մթերքների մթերումների ու դնումների գների բարձրացումը, կոլտնտեսականների ամենամսյա ավանսավորումը և այլն:

— 15 —

Պարտիայի և կառավարության միջոցառումները բարձրացրել են կոլտնտեսությունների և կոլտնտեսականների նյութական շահագրգռվածությունը և առաջին խոշոր հաշույններն ապահովել գյուղատնտեսության հետագա հզոր վերելքի խնդրի լուծման գործում:

Սովետական ժողովուրդը մեծագույն սրբազործություն կատարեց, երեք տարում յուրացնելով 35,9 միլիոն հեկտար խամ ու խոպան հող: Դրա շնորհիվ 1956 թվականին մեր երկիրը լրացուցիչ կարգով ստացավ ավելի քան մեկ միլիարդ փութ ապրանքային հացահատիկ: 1956 թվականին ստացվել է շաքարի ճակնդեղ՝ 5 միլիոն տոննայով, բամբակ՝ 481 հազար տոննայով, կարտոֆիլ՝ 1,5 անգամ ավելի, քան 1955 թվականին:

Մեր երկրի կոլտնտեսություններն ու սովխոզները զգալի նվաճումներ ունեն անասնաբուծության զարգացման, մսի և առանձնապես կաթի արտադրության ավելացման ասպարեզում: 1956 թվականին կաթի համախառն արտադրանքը կոլտնտեսություններում 1953 թվականի համեմատությամբ, ավելացել է մոտ 2 անգամ:

Գյուղատնտեսության աշխատողները մեծ խանդավառությամբ դիմավորեցին պարտիա-

— 16 —

յի առաջադրանքը՝ մոտակա տարիներին բնակչության մեկ շնչին ընկնող մսի, կաթի և յուղի արտադրությամբ ԱՄՆ-ին հասնելու վերաբերյալ: Հենց միայն վերջին մեկ տարվա թվերը համոզիչ կերպով ցույց են տալիս, թե որքան ուժալ է այդ խնդիրը: Խոշոր եղջերավոր անասունների գլխաքանակը ավելացել է 3 միլիոնով, խոզերինը՝ 5 միլիոն 300 հազարով, ոչխարներինը և այծերինը՝ 4 միլիոն 900 հազարով, մսի արտադրությունը ավելացել է 30 տոկոսով, կաթինը՝ 26 տոկոսով: Եթե համեմատության համար վերցնենք 1953 թիվը, երբ պարտիան ձեռնամուխ եղավ գյուղատնտեսության բոլոր ճյուղերի վերելքին, ապա այդ ժամանակամիջոցում մեկ կովի միջին կաթնատվությունը ավելացել է 2 անգամ, իսկ ամբողջովին վերցրած կոլտնտեսություններում ու սովխոզներում ավելացել է երկու և կես անգամ:

1957 թվականի 8 ամիսներին կոլտնտեսություններում և սովխոզներում կաթի համախառն արտադրանքը անցյալ տարվա համապատասխան ժամանակաշրջանի համեմատությամբ ավելացել է 21 տոկոսով, իսկ կաթի մթերումների և գնումների տարեկան սլանը սեպտեմբերի 20-ի դրությամբ կատարվել է 96 տոկոսով: Գյուղի աշխատավորների այս նվաճումները ցույց են տալիս, որ

— 17 —

4341-57

անասնաբուծության մթերքների արտադրության մեջ ԱՄՆ-ին հասնելու պարտիայի առաջադրանքը հաջողությամբ կատարվում է:

Ծանր ինդուստրիայի և նրա սիրտը հանդիսացող մեքենաշինության զարգացումը հնարավորություն տվեց գյուղատնտեսությունը հագեցնելու ժամանակակից տեխնիկայով: Եթե Վ. Ի. Լենինը սովետական իշխանության առաջին տարիներին երազում էր 100 հազար տրակտորի մասին, ապա մեր երկրի դաշտերում ներկայումս աշխատում են 1 միլիոն 577 հազար տրակտոր (15-ուժանոցի վերածած), 385 հազար հացահատիկային կոմբայն, 631 հազար բեռնատար ավտոմոբիլ և միլիոնավոր գյուղատնտեսական բարդ մեքենաներ: 1956—60 թ. թ. գյուղատնտեսությունը կստանա 1 միլիոն 650 հազար տրակտոր, որը 275 հազարով ավելի է, քան ստացվել է նախորդ 4 հնգամյակներին, 560 հազար հացահատիկային կոմբայն, կամ 55 հազարով ավելի, քան եղել է վերջին 25 տարիներին, 250 հազար եգիպտացորեն և սիլոս հավաքող մեքենաներ և այլն:

Այս օրերին մեր անժայրածիր Հայրենիքի բոլոր անկյուններում, գործարաններում ու ֆաբրիկաներում, կոլտնտեսություններում ու սովխոզներում, ամենուրեք աղբյուրի նման

— 18 —

հորդում է աշխատավորների ստեղծագործական նախաձեռնությունը, ծավալվում է քաղաքական ու աշխատանքային հուժկու վերելքը, նախահոկտեմբերյան սոցիալիստական մրցությունը՝ երկրին ավելի շատ պողպատ ու մեքենաներ, նավթ և ածուխ, հաց և միս, ժողովրդական սպառման շատ սպորանքներ տալու համար:

Ամեն օր ուրախալի լուրեր են ստացվում սովետական ժողովրդի աշխատանքային հաղթանակների մասին, պետական պարտավորությունները և տարեկան պլանները ժամկետից շուտ կատարելու և գերակատարելու մասին:

Կոմունիստական պարտիայի և Սովետական կառավարության միջոցառումները արդյունաբերության և գյուղատնտեսության հետագա զարգացման ուղղությամբ ապահովում են բնակչության ռեալ եկամուտների աճը, նյութական բարեկեցության և կուլտուրական մակարդակի բարձրացումը: Աշխատավորների կենսամակարդակի բարձրացման կարևոր ցուցանիշը ազգային եկամուտն է: Միմիայն 5-րդ հնգամյակի տարիներին այն աճել է 68 տոկոսով. վեցերորդ հնգամյակում նախատեսված է ազգային եկամտի աճ 60 տոկոսով: 1960 թվականին ազգային եկամու-

— 19 —

տը 24 անգամ ավել կլինի 1913 թվականի համեմատությամբ:

1950.—55 թվականներին ռեալ աշխատավարձն աճել է 39 տոկոսով, իսկ 6-րդ հնգամյակի սարիներին ավելանալու է մոտ 30 տոկոսով: 1956 թվականին կոլտնտեսականների դրամական և մթերային եկամուտները, 1955 թվականի համեմատությամբ, ավելացել են 12 տոկոսով: 1960 թվականի համար նախատեսված է մոտ 40 տոկոս աճ: 1956 թվականին կոլտնտեսությունները և կոլտնտեսականները պետությանը հանձնած և վաճառած գյուղատնտեսական մթերքների դիմաց 20 միլիարդ ռուբլի ավել են ստացել, քան 1955 թվականին: Սովետական պետությանը անընդհատ ավելացնում է ժողովրդական սպառման ապրանքների արտադրանքը: Վեցերորդ հնգամյակի վերջում ժողովրդական սպառման ապրանքների արտադրությունը, 1940 թվականի համեմատությամբ, ավելանալու է մոտ 3,5 անգամ:

1957 թվականի առաջին կիսամյակում բնակչությունը պետության հաշվին զանազան վճարումների և արտոնությունների ձևով ստացել է 97,5 միլիարդ ռուբլի, կամ 20 տոկոսով ավելի, քան անցյալ տարվա առաջին կիսամյակում: Այդ ժամանակաշրջանում ա-

— 20 —

վելի քան 6 միլիարդ ռուբլով ավելացել է կոլտնտեսականների դրամական վճարումները, 40 միլիարդ ռուբլով ավելացել է պետական և կոոպերատիվ առևտրի ապրանքաշրջանառությունը:

Աշխատավորների համար բարեկեցիկ կյանքի ստեղծման, նրանց կենցաղի լավագույն կազմակերպման գործում վճռական տեղ է պատկանում բնակարանային շինարարության:

ՍՄԿՊ Կենտկոմի և ՍՍՌՄ Մինիստրների Սովետի վերջերս ընդունած «ՍՍՌՄ-ում բնակարանային շինարարության զարգացման մասին» որոշումը սովետական մարդկանց նկատմամբ պարտիայի մշտական հոգատարության վառ արտահայտությունն է: Պարտիան ու կառավարությունը գտնում են, որ ներկայումս անհրաժեշտ պայմաններ են ստեղծված բնակարանային շինարարության հետագա վերելքի համար և խնդիր են դնում շատ կարճ ժամկետում հասնել բնակարանային ֆոնդի զգալի աճի, որպեսզի մոտակա 10—12 տարում երկրում վերջ տրվի բնակարանային պակասին:

Մեր երկիրը մեծ հաջողություններ է ձեռք բերել կոլտնտեսական շինարարության բնագավառում: Կոմունիստական պարտիայի ամ-

բողջ քաղաքականութիւնը կուտուրական շինարարութեան բնագավառում ուղղված է բոլոր բանվորներին և գյուղացիներին կրթված ու կուտուրական դարձնելու նպատակին: Մինչև Հոկտեմբերյան ռևոլյուցիան մեր երկրի բնակչութեան երեք քառորդը անգրագետ էր: Սովետական իշխանութիւնը աշխատավոր մասսաների համար լայն ճանապարհ բացեց դեպի լուսավորութիւնն ու գիտութիւնը:

1955—1956 ուս. տարում ՍՍՌՄ դպրոցներում, տեխնիկումներում, բուհերում և զանազան դասընթացներում սովորողների թիվը 50 միլիոն մարդուց ավելի էր, այլ կերպ ասած, ներկայումս սովետական յուրաքանչյուր 4 մարդուց մեկը սովորում է: Բնակչութեան 1000 հոգուն 1940 թվականին ընկնում էր ՍՍՌՄ-ում՝ 182, Անգլիայում՝ 145, Ֆրանսիայում՝ 135 սովորող:

Մեր երկրում մտցված է ընդհանուր պարտադիր յոթնամյա ուսուցում գյուղական վայրերում և տասնամյա ուսուցում խոշոր քաղաքներում: Վեցերորդ հնգամյակում հիմնականում ավարտվելու է անցումը միջնակարգ ուսուցման քաղաքներում ու գյուղական վայրերում:

ՍՍՌՄ-ում մեծ նվաճումներ են ձեռք բեր-

— 22 —

վել բարձրագույն կրթութեան ասպարեզում: 1914 թվականի համեմատութեամբ ուսանողների թիվը 1956 թվականին ավելացել է մոտ 15 անգամ: Մինչև 1956 թվականին Ռուսաստանի 105 բուհերում սովորում էր 127 հազար ուսանող, իսկ 1956 թվականին ՍՍՌՄ-ի 765 բուհերում սովորում էր մեկ միլիոն 867 հազար մարդ: Բնակչութեան յուրաքանչյուր 10 հազար մարդուն ընկնում է՝ Տաջիկստանում 53 ուսանող, Ուզբեկստանում՝ 71, Ադրբեջանում՝ 93, Իրանում՝ 3, Թյուրքիայում՝ 12 խաւիւղում՝ 22, Ֆրանսիայում՝ 36 ուսանող: Այժմ մեր երկրի բուհերում և տեխնիկումներում սովորողների թիվը հասնում է 4 միլիոնի՝ 1913 թվականի 182 հազարի դիմաց: Մեր երկրի բուհերը և տեխնիկումները միայն 5-րդ հնգամյակում տվել են 2 միլիոն 681 հազար շրջանավարտ, իսկ 1957 թվականին կտան ավելի քան 770 հազար մասնագետ:

Մեծ են մեր ժողովրդի նվաճումները գիտութեան ու տեխնիկայի զարգացման բնագավառում: Սովետական գիտնականները խոշոր հայտնագործութիւններ են արել առանձնապէս հիդրոտեխնիկայի, էլեկտրոտեխնիկայի, ֆիզիկայի, միշտրինյան բիոլոգիայի, պալլոլիան ֆիզիոլոգիայի, մաթեմատիկայի, աստղային ու մոլորակային կոսմոգոնիայի

ասպարեզում և այլն: Մեր երկրում ստեղծված են հաշվիչ մեքենաներ՝ արագ գործող էլեկտրոնային հաշվիչ մեքենան, որը մեկ վայրկյանում կատարում է 7—8 հազար մաթեմատիկական օպերացիա, փոխարինելով տասնյակ հազարավոր հաշվող մարդկանց: Սովետական գիտության ու տեխնիկայի մեծագույն նվաճումներից է ռեակտիվ մարդատար «Տու—104» ինքնաթիռը:

Սովետական գիտնականները հայրենանվեր աշխատանքով աշխարհում առաջինը ստեղծեցին գերհեռու, միջմայրցամաքային բալիստիկ հրթիռը:

Գյուղատնտեսական գիտության գործիչները մշակել են ագրոտեխնիկայի նոր եղանակներ, ստեղծվել են գյուղատնտեսական կուլտուրաների նոր, բարձրարժեք տեսակներ:

Գիտական հիմնարկությունների թիվը 1914 թվականի 289-ից, 1956 թվականին հասել է 2747-ի, միայն ՍՍՌՄ Գիտությունների ակադեմիան միավորում է 120-ից ավելի գիտահետազոտական հիմնարկներ, Նախառևոյուցիոն Ռուսաստանում հաշվվում էր 10 հազար գիտաշխատող, իսկ այժմ նրանց թիվը հասնում է 240 հազարի:

Սովետական ժողովրդի կուլտուրական զարգացմանն են ծառայում կուլտուր-լուսա-

— 24 —

վորական հիմնարկները: Ակումբների թիվը նախապատերազմյան ժամանակաշրջանի համեմատությամբ ավելացել է 532 անգամ: 1914 թվականին եղած 237-ի փոխարեն, 1956 թվականին մեր երկրում գործում էր 126 հազար ակումբային հիմնություն, որոնցում գյուղական վայրերում 1914 թվականին կար 94, 1956 թվականին՝ 115 հազար ակումբ:

Այժմ մեր երկրում կա 400 հազարից ավելի գրադարան (1914 թվականին եղած 12,6 հազարի փոխարեն), որից գյուղական վայրերում՝ 119 հազար: Մինչև 1914 թվականին Ռուսաստանում կար 180 Ռոստովսկայա, այժմ թանգարանների թիվը ՍՍՌՄ-ում հասնում է 862-ի:

Ցարական Ռուսաստանում կար 1400 կինոսարքավորում, այժմ մենք ունենք 63 հազար կինոսարքավորում, որից 47 հազարը գյուղական վայրերում: Վեցերորդ հնգամյակում 4 անգամ ավելի կինոթատրոններ են կառուցվելու, քան կառուցվել են 5-րդ հնգամյակում:

Սովետական իշխանության տարիներին թատրոնների թիվը 172-ից հասավ 508-ի: Այժմ մենք ունենք 127 ֆիլհարմոնիա, 180 կերպարական կուլեկտիվ: ՍՍՌՄ-ում հաշվվում է 19,5 միլիոն ռադիոտրանսլիացիոն կետեր, լայնորեն արմատավորվում է հեռուստատեսությունը:

— 25 —

ՍՍՌՄ բոլոր ժողովուրդների լեզուներով լույս են տեսնում թերթեր, ամսագրեր, գրքեր։ Մասնաշաղկապ տիրաժող ՍՍՌՄ-ում հրատարակվում է 7250 թերթ։ Միայն «Պրավդա» թերթի տիրաժը ավելին է, քան նախառևույտցիոն բոլոր թերթերինը միասին վերցրած։ 1956 թվականի սկզբներին մեզ մոտ 54 լեզուներով լույս էր տեսնում 2026 ամսագիր։ ՍՍՌՄ-ում գործում է 300 գրքային հրատարակություն։ Սովետական իշխանության տարիներին 122 լեզուներով լույս է տեսել 1 միլիոն 268 հազար անուն գիրք, ավելի քան 18,2 միլիարդ ընդհանուր տիրաժով։ Մեծ տիրաժով լույս են տեսել մարքսիզմ-լենինիզմի կլասիկների աշխատությունները։

Կոմունիստական պարտիան անդույ հոգատարություն է ցուցաբերում բնակչության առողջության պահպանման, բուժսպասարկման բարելավման ուղղությամբ։ Աշխատավորներին ցույց տրվող բժշկական ձրի օգնությունը, ամեն տարի արձակուրդ ստանալու, սանատորիաներից և հանգստյան տներից օգտվելու իրավունքը ամրապնդված է օրենսդրությամբ։

Հոկտեմբերյան Սոցիալիստական Մեծ ռևոլյուցիայի պանծալի 40-ամյակը էկոնո-

— 26 —

միկայի և կոլտուրայի զարգացման առաջադրեզում ձեռք բերած վիթխարի հաջողություններով է դիմավորում նաև վերածնված հայ ժողովուրդը։

Սովետական Հայաստանը Մեծ Հոկտեմբերի ծնունդն է, լենինյան ազգային քաղաքականության կենդանի մարմնավորումը։ Հոկտեմբերյան ռևոլյուցիայի հաղթանակի լուրը ցնծությամբ դիմավորեց բազմաչառչար հայ ժողովուրդը և հերոսական պայքարի ելավ Հայաստանում սովետական կարգեր հաստատելու համար։ Բայց հայ ժողովրդի թշնամիներ դաշնակները, մենշևիկների, մուսավաթիստների և Արևմուտքի իմպերիալիստների աջակցությամբ տւ միջամտությամբ հետաձգեցին սովետական իշխանության հաղթանակը, երկիրը վաճառեցին սկզբում գերմանա-թուրքական ջարդարարներին, ախուհետև անգլո-ամերիկյան դավթիշներին, հրով ու սրով արյան մեջ խեղդելով աշխատավորության ռևոլյուցիոն ելույթները։ Հայ ժողովրդի վրա կախվել էր ֆիդիկական բնաջնջման սպառնալիքը։ Եվ, ահա այդ ծանր, կրիտիկական մոմենտին հայ ժողովուրդը վճռական գոտեմարտի բռնվեց թշնամու հետ և 1920 թվականի նոյեմբերի 29-ին, Կարմիր Բանակի օգնու-

— 27 —

թյամբ ընդմիշտ վերջ տվեց դաշնականների արյունալի տիրապետությանը և հռչակեց սովետական իշխանություն:

Ռեուլյուցիայի մեծ առաջնորդ Վ. Ի. Լենինը դեկտեմբերի 2-ին, ջերմորեն ողջունեց կապիտալիզմի լծից ազատագրված աշխատավոր հայ ժողովրդին:

Սովետական իշխանության տարիներին ՍՍՌՄ ժողովուրդների եղբայրական բնականիքում Հայաստանը կերպարանափոխվել և անճանաչելի է դարձել:

Կոմունիստական պարտիայի լենինյան ազգային քաղաքականության հետևողական ու անշեղ կենսագործման, ուստի մեծ ժողովրդի և եղբայրական մյուս ժողովուրդների օգնության շնորհիվ Հայաստանը՝ ցարական Ռուսաստանի երբեմնի հետամնաց ծայրամասից, դաշնականների կողմից քաղցի, հրի տւ սրի մատնված երկրից դարձավ առաջավոր ինդուստրիալ-կոլտնտեսային, ռեսպուբլիկա, բարձր զարգացած կուլտուրայի երկիր:

Արդյունաբերական արտադրանքի ծավալը 5-րդ հնգամյակում, 1950 թվականի համեմատությամբ, կրկնապատկվել է, ընդ որում մեքենաշինության արտադրանքն ավելացել է 3,4 անգամ, մետալուրգիական ձեռ-

— 28 —

նարկություններինը՝ 3,3 անգամ, քիմիական արդյունաբերությունը՝ 2,7 անգամ:

Ռեսպուբլիկայի արդյունաբերական արտադրանքը 1913 թվականի համեմատությամբ աճել է 45 անգամ: Վեցերորդ հնգամյա պլանով նախատեսված է արդյունաբերական արտադրանքն ավելացնել 1,7 անգամ, ընդ որում գոմավոր մետալուրգիայի և էլեկտրատեխնիկական արդյունաբերության արտադրանքը՝ ավելի քան 3 անգամ, քիմիական արդյունաբերությանը՝ 2,2 անգամ, մեքենաշինությանը և գործիքաշինությանը՝ 2,7 անգամ:

Մեքենաշինական ու մետաղամշակման մի շարք խոշոր ձեռնարկություններ են կառուցվելու Երևանում, Լենինականում, Կիրովականում, Ախտալում, ավարտվելու է Սևան—Հրազդան կասկադի շինարարությունը, ըսկըսվելու է մի շարք հիդրոէլեկտրակայանների կառուցումը Որոտան գետի վրա: Արդեն սկսել են աշխատել մաթեմատիկական մեքենաների գիտահետազոտական ինստիտուտը Երևանում, քիմիական արդյունաբերության և գոմավոր մետալուրգիայի արտադրական պրոցեսների ամսոմատացման գիտահետազոտական ինստիտուտը Կիրովականում, ինքնուրույն կոնստրուկտորական

բյուրոներ են ստեղծվել Լենինականում, Կիրովականում: Այս տարի Նրեանում թողարկվելու է էլեկտրոնային հաշվիչ մաթեմատիկական առաջին մեքենան:

Ռեսպուբլիկայի արդյունաբերության աշխատողները հաջողությամբ կատարում են 1957 թվականի առաջադրանքները: Արդյունաբերության համախառն արտադրանքի արտադրության 1957 թվականի առաջին կիսամյակի պլանը ռեսպուբլիկայում կատարվել է 103 տոկոսով: Ամբողջ ռեսպուբլիկայի արդյունաբերության համախառն արտադրանքի ծավալը 1957 թվականի առաջին կիսամյակում 1956 թվականի նույն ժամանակամիջոցի համեմատությամբ աճել է 11 տոկոսով:

Ռեսպուբլիկայի աշխատավորներն առանձնապես մեծ հաջողությունների են հասել էլեկտրիֆիկացման վերաբերյալ Լենինյան պատգամների կենսագործման առաջնություն: 1913 թվականի համեմատությամբ, 1956 թվականին, էլեկտրաէներգիայի արտադրությունը ավելացել է 450 անգամ: Այդ նշանակում է, որ այժմ ռեսպուբլիկայի էլեկտրակայանները մեկ օրում ավելի շատ էլեկտրաէներգիա են արտադրում, քան արտադրվել է ամբողջ 1913 թվականի ընթաց-

— 30 —

քում: Բնակչության մեկ շնչին բնկնող էլեկտրաէներգիայի արտադրությամբ Հայաստանը առաջ է անցել աֆրիսի զարգացած երկրներից, ինչպիսիք են Ֆրանսիան և Հոլանդիան, մեզ մոտ բնակչության մեկ շնչին 2 անգամ ավելի էլեկտրաէներգիա է ընկնում, քան Իտալիայում և Ճապոնիայում: Այժմ Հայաստանը 2 անգամ ավելի էլեկտրաէներգիա է արտադրում, քան Թուրքիան, չնայած վերջինս իր տեքստիլայով 25 անգամ մեծ է Հայաստանից:

Ժողովրդի բարեկեցության նկատմամբ հոգատարության վառ արտահայտություններից մեկն էլ բնակարանային շինարարությունն է: Սովետական իշխանության տարիներին ռեսպուբլիկայում աճել են նոր քաղաքներ և բանվորական ավաններ, Նրեանը դարձել է ժամանակակից հզոր արդյունաբերական և կուլտուրական կենտրոն, կերպարանափոխվել ու բարեկարգվել են Լենինականը, Կիրովականը, Ալավերդին, Ղափանը, բոլոր շրջանային կենտրոնները, գյուղերը:

Հայաստանի գյուղատնտեսության աշխատողները կենսագործելով ՍՄԿՊ Կենտկոմի Սեպտեմբերյան պլենումի և պարտիայի սուկառավարության հետագա միջոցառումները, ղգալի հաջողությունների են հասել գյու-

դատնտեսության մթերքների արտադրության ավելացման գործում: Տարեցտարի ավելանում է անասնաբուծության հիմնական մթերքների արտադրությունը, անասունների գլխաքանակը, բարձրանում է նրանց մրթերատվությունը, աճում են կոլտնտեսությունների և կոլտնտեսականների եկամուտները: 1955 թվականին, 1940 թվականի համեմատությամբ, կոլտնտեսականների դրամական եկամուտներն աճել են 3 անգամ, անբաժանելի ֆոնդերը՝ 4 անգամ, արտադրության հիմնական միջոցները՝ 3,8 անգամ:

Հինգերորդ հնգամյակում բամբակի համախառն բերքն ավելացել է 47 տոկոսով, շաքարի ճակնդեղինը՝ 50 տոկոսով, ծխախոտինը՝ 54 տոկոսով, բանջարեղենինը՝ 78 տոկոսով, խաղողինը՝ 29 տոկոսով: Գյուղատնտեսական բոլոր կոլտուրաների ցանքատարածությունները 1919 թվականի համեմատությամբ ավելացել են 6 անգամ: Զգալի հաջողություններ են ձեռք բերվել անասնաբուծության զարգացման ասպարեզում: Անասունների ընդհանուր գլխաքանակը ավելացել է 21 տոկոսով, այդ թվում կովերինը՝ 36 տոկոսով, խոզերինը՝ 62 տոկոսով, ոչխարներինը՝ 47 տոկոսով:

— 32 —

Զերմորեն արձագանքելով մոտակա տարիներին մսի, կաթի, յուղի արտադրությամբ ԱՄՆ-ին հասնելու պարտիայի կոչին և հաշվի առնելով իրենց հնարավորությունները, ռեսպուբլիկայի կոլտնտեսությունները պարտավորվել են 1957 թվականին հարյուր հեկտար հողատարածության դիմաց ստանալ 55 ցենտներ միս և 222 ցենտներ կաթ, իսկ 1960 թվականին 82 ցենտներ միս, 352 ցենտներ կաթ: Մի շարք շրջաններ և բազմաթիվ կոլտնտեսություններ վերցրել են ավելի բարձր պարտավորություններ:

Մտնելով Մեծ Հոկտեմբերի պատվին ծավալված սոցիալիստական մրցության մեջ, ռեսպուբլիկայի աշխատավորները զգալի հաջողություններ են ձեռք բերել 1957 թվականի պետական պլանի կատարման գործում: Արդյունաբերության համախառն արտադրանքի 8 ամսվա պլանը կատարվել է 103,8 տոկոսով, ընդ որում ժողտնտխորհի ձեռնարկությունների գծով կատարվել է 103,2 տոկոսով, տեղական Սովետների արդյունաբերությունը 102,1 տոկոսով, ռեսպուբլիկական մինիստրությունների և գերատեսչություններինը՝ 116,3 տոկոսով: Ռեսպուբլիկայի գյուղատնտեսության աշխատողները ժամկետից շուտ կատարեցին

հացամթերումների, բրդի, պտուղների հան-
ձրնման տարեկան պլանները: Կաթի մթե-
րումների և գնումների տարեկան պլանը,
սեպտեմբերի 20-ի դրությամբ, կատարված
է 90,6 տոկոսով, իսկ Ադիւնի, Ապարանի,
Արթիկի, Վեդու, Մեղրիի, Շամշադինի կոլ-
տնտեսությունները գերակատարել են տա-
րեկան առաջադրանքները:

Մաղկում է Սովետական Հայաստանի ձե-
վով ազգային, բովանդակությամբ սոցիա-
լիստական կուլտուրան: Սովետական իշխա-
նության տարիներին Հայաստանում, ինչ-
պես նաև եղբայրական մյուս ռեսպուբլիկա-
ներում տեղի է ունեցել իսկական կուլտու-
րական ռևոլյուցիա:

1914 թվականին Հայաստանում գործում
էր ընդամենը 459 դպրոց, որտեղ սովո-
րում էր 34.700 աշակերտ և աշխատում էր
1.100 ուսուցիչ: Այժմ ՀՍՍՌ-ում գործող
դպրոցների թիվը գերազանցում է 1914 թը-
վականին եղած ուսուցիչների թվին: Ռես-
պուբլիկայում մոտ 1.200 հանրակրթական
դպրոցներում սովորում են ավելի քան 290
հազար աշակերտ, աշխատում են մոտավո-
րապես 19 հազար ուսուցիչ:

Հայաստանում բնակչության յուրաքան-
չյուր 1.000 հոգուն 45 անգամ ավելի սովո-

— 34 —

րող է ընկնում, քան Իրանում, 11 անգամ ավելի,
քան Բուլղարիայում, 4 անգամ ավելի,
քան Ֆրանսիայում և Իտալիայում: Ռես-
պուբլիկայի ժողովրդական տնտեսության
մեջ 1955 թվականին հաշվվում էր 43,9 հա-
զար բարձրագույն և միջնակարգ մասնագի-
տական կրթություն ունեցող մասնագետ:
Խնժեռներենների թիվը 1941—1955 թ. թ. ավե-
լացել է ավելի քան 3,3 անգամ, տեխնիկնե-
րինը՝ 2,4 անգամ, գյուղատնտեսության
մասնագետներինը՝ 2,8 անգամ: Ռեսպուբ-
լիկայի գյուղատնտեսության մեջ այժմ աշ-
խատում են ավելի քան 5 հազար գյուղա-
տնտեսներ, ղոռտեխնիկներ, անասնաբու-
ներ, մեխանիկներ և այլ մասնագետներ:

Ռեսպուբլիկայի Գիտությունների ակադե-
միան իր 56 գիտահետազոտական հիմնարկ-
ներով հսկայական ավանդ է մուծում ժողո-
վրդա-տնտեսական վարևոր նշանակու-
թյուն ունեցող բազմաթիվ պրոբլեմների
լուծման, սովետական գիտության հետագա
զարգացման գործում:

Մեծ են հայ ժողովրդի նվաճումները գը-
րականության և արվեստի զարգացման գոր-
ծում: Սովետահայ գրողները և արվեստա-
գետները բազմաթիվ ազժեքավոր ստեղծա-
գործություններ են տվել, որոնց մեջ արտա-

— 35 —

ցովել են մեր կյանքում կատարված մեծագույն վերափոխումները, սոցիալիզմի երկրի մարդկանց ստեղծագործական աշխատանքը և հերոսական առօրյան։ Մեծ զարգացում է ստացել հայ ժողովրդի թատերական, երաժրշտական արվեստը, կերպարվեստը, հարտարապետությունը։

Սովետական իշխանության տարիներին ռեսպուբլիկան ծածկվել է կուլտուր-լուսավորական հիմնարկների խիտ ցանցով։

Հոկտեմբերյան ռեոլյուցիան նոր դարաշրջան բացեց պետությունների և ժողովուրդների հարաբերություններում։ Սովետական պետության արտաքին քաղաքականության գլխավոր նպատակը դարձավ խաղաղության պահպանումը, բոլոր պետությունների միջև իրավահավասար, փոխադարձ հարգման վրա հիմնված հարաբերությունների դարուցումը, բոլոր ժողովուրդների միջև բարեկամության ու համագործակցության հաստատումը։

Պարտիան ղեկավարվելով հասարակական-քաղաքական տարբեր սիստեմներ ունեցող պետությունների խաղաղ գոյակցության լենինյան ուսմունքով, միթխաթի աշխատանք ծավալեց պետությունների հետ նորմալ հարաբերություններ հաստատելու, առևտուրը

— 36 —

ծավալելու, կուլտուրական կապերը ընդլայնելու ուղղությամբ։

Սովետական Միությունը, բոլոր սոցիալիստական երկրները հետևողականորեն հանդես են գալիս միջազգային բոլոր վիճելի հարցերը խաղաղ լուծելու օգտին։ ՍՍՄՄ-ը այդ բանն ապացուցել է գերմանական հարցի խաղաղ կարգավորման համար իր մղած պայքարով, Ավստրիայի հետ պայմանագրի ստորագրումով, ուրիշ երկրներում իր ռազմական բազաների վերացումով։ Եվրոպայում կոլեկտիվ անվտանգության սիստեմ ստեղծելու, զինված ուժերի և սպառազինությունների կրճատման, ատոմային ու ջրածնային զենքն արգելելու ցուղություններ։ Սովետական Միության առաջարկները լայն հեռանկարներ են բացում միջազգային լարվածության թուլացման, պետությունների միջև հարաբերությունների բարեկամման, վիճելի և չլուծված հարցերի խելացի կարգավորման համար։

Սովետական Միության արտաքին քաղաքականությունը ջերմորեն պաշտպանում են ոչ միայն մեր երկրի, այլև ամբողջ աշխարհի առաջադեմ մարդկությունը, քանի որ այն համապատասխանում, համընկնում է բոլոր երկրների ժողովրդական լայն մասսաների

դիրքորոշմանը, ամբողջ աշխարհում խաղաղության ու դեմոկրատիայի պահպանման ու ամրապնդման շահերին: Սակայն Սովետական Միության և մյուս խաղաղասեր պետությունների ջանքերը ցանկալի արդյունքներ դեռևս չեն տվել, քանի որ արևմտյան տնտեսությունները սպառազինությունների մոլուցքով բռնված ցանկանում են աշխարհի ժողովուրդներին նորից ներքաշել բնաջրհող պատերազմի արհավիրքների մեջ և միլիտնամոր ազնիվ մարդկանց արյոսնով ներկված դուարներ վաստակել, հաստատել իրենց համաշխարհային տիրապետությունը:

Իմպերիալիստական ռեակցիայի յուժերին, կապիտալին դեմ-հանդիման անառիկ ամբողջի նման կանգնած է սոցիալիզմի ու դեմոկրատիայի լագերը, մեծ թվով պետություններ ու ժողովուրդներ, որոնք ի վիճակի են սանձահարելու և տեղի բերելու կապը կտրած իմպերիալիստներին ու նրանց կամավատարներին:

ՍՍՌՄ-ի, սոցիալիզմի լագերի երկրների եղբայրական համագործակցությունը, նրանց տներնդհատ աճող տնտեսական, քաղաքական ու ռազմական հզորությունը, խաղաղասիրական արտաքին քաղաքականությունը ամբողջ աշխարհում խաղաղության պահ-

— 38 —

պանման ու ժողովուրդների անվտանգություն ապահովման գրանիտե հիմքն են և հուսալի երաշխիքը:

Մեծ Հոկտեմբերի ծնունդ հանդիսացող սոցիալիստական պետությունը և նրա հաջողությունները տնտեսական ու կուլտուրական շինարարության բնագավառում, մեծագույն ազդեցություն են գործում աշխարհի բոլոր երկրների վրա:

Օգտագործելով սոցիալիզմի և կոմունիզմի կառուցման ՍՍՌՄ-ի բաղմահարուստ փորձը, ստանալով նրա անշահախնդիր օգնությունը, ժողովրդական դեմոկրատիայի երկրները իրենց կոնկրետ պայմաններին, ազգային առանձնահատկություններին համապատասխան, հաջողությամբ իրականացնում են ինդուստրացիան կուրսը, գյուղատնտեսության սոցիալիստական վերափոխումը, կուլտուրական ռևոլյուցիան, ամրապնդում են բանվոր դասակարգի և գյուղացիության դաշինքը, ժողովուրդների բազեկամությունը:

Հոկտեմբերյան ռևոլյուցիայի պատմական փորձի մեծագույն նշանակությունը կայանում է նրանում, որ նա հարթեց սոցիալիզմի մայր ուղին, այն սյունադարձ ուղին, որով

դեպի սոցիալիզմ են գնում և կրնժանան բո-
լոր երկրների աշխատավորները:

Հոկտեմբերյան Սոցիալիստական Մեծ
ռեւոլյուցիան, ՍՍՌՄ-ում սոցիալիզմի և կո-
մունիզմի հաղթական կառուցման ամբողջ
փորձը ցույց են տալիս, որ կապիտալիզմի
տապալման և կոմունիստական հասարա-
կարգի ստեղծման վճռական պայմանը Կո-
մունիստական պարտիայի ղեկավարութունն
է, նրա միաձույլ միասնութիւնը և անխզելի
փապը մասսաների հետ:

Մեր փառապանծ Կոմունիստական պար-
տիան սոցիալիստական հասարակութեան
զարգացման ամբողջ փորձով ապացուցել է
իր անսահման նվիրվածութիւնը մարքսիզմ-
լենինիզմի մեծ ուսմունքին, հավատարմու-
թիւնը իր ժողովրդին, միջազգային ռեւո-
լյուցիոն շարժմանը, պրոլետարական ին-
տերնացիոնալիզմի սկզբունքներին: Ահա թե
ինչու մեր երկրի բանվորները, գյուղացինե-
րը, ինտելիգենցիան, աշխարհի բոլոր ազ-
նիվ մարդիկ այնքան սիրում և հարգում են
Կոմունիստական պարտիային, նրա մեջ
տեսնելով մեր դարաշրջանի միտքը, պա-
տիվն ու խիղճը: Կոմունիստական պարտիան
ժողովրդի շահերից բացի այլ շահեր չունի:
Աշխատավորների բարեկեցութեան նկատ-

— 40 —

մամբ ցուցաբերվող հոգատարութիւնը նրա
գործունեութեան գերագույն օրենքն է:

Սովետական ժողովուրդը միահամուռ կեր-
պով հավանութիւն է տալիս պարտիայի և
կառավարութեան բոլոր որոշումներին ու մի-
ջոցառումներին. դրանք համարում է իր սե-
փական, հարազատ գործը և անձնվիրաբար
պայքարում դրանց կենսագործման համար:

Պարտիայի և ժողովրդի միասնութիւնը
սոցիալիստական հասարակարգի հզորու-
թեան հուսալի երաշխիքն է, կոմունիզմի հա-
ջող կառուցման գրավականը: Եվ, քանի դեռ
անխախտ է այդ միասնութիւնը, մեզ հա-
մար վտանգավոր չէ ոչ մի թշնամի, ոչ ներ-
քին և ոչ էլ արտաքին:

Կոմունիստական պարտիայի նկատմամբ
համաժողովրդական սիրո և նվիրվածութեան
վառ արտահայտութիւններից մեկն էլ նրա
շարքերի աճն է: Եթե 1917 թվականին Կո-
մունիստական պարտիայի շարքերում հաշ-
վրվում էր ընդամենը 240 հազար մարդ, ա-
յա այժմ պարտիան միավորում է մոտ 8
միլիոն անդամ և անդամութեան թեկնածու
Այդ բանը հատկապէս ցայտուն կերպով
դրսևորվեց քաղաքացիական պատերազմի
տարիներին, լենինյան կոչի շրջանում, Հայ-
րենական Մեծ պատերազմի տարիներին,

— 41 —

ժողովրդի և պարտիայի համար առաջնի
դժվարին, ծանր ու կրիտիկական շրջանում:
Ժողովրդական մասսաների ղեկավարման
ուղղությամբ Կոմունիստական պարտիայի
հաջող գործունեության կարևորագույն պայ-
մանը ժողովրդական լայն մասսաների հետ
նրա անխզելի կապն է, պարտիայի գաղա-
փարական ու կազմակերպական միասնու-
թյունը:

Ամբողջ սովետական ժողովուրդը միա-
համուռ դատապարտեց Մալենկովի, Կադա-
նովիչի, Մոլոտովի հակապարտիական խմբի
և նրանց հարած Շեպիլովի պառակտիչ ֆր-
րակցիոն գործունեությունը: Հակապարտիա-
կան այդ խումբը հանդես եկավ XX համա-
գումարի դժի դեմ, միջազգային լարվածու-
թյունը թուլացնելու դեմ, աշխատավորների
բարեկեցության ուղղությամբ ձեռնարկվող
միջոցառումների դեմ, խոսքի հոգերը հեր-
կելու դեմ, անասնաբուժական մթերքների
արտադրությամբ ԱՄՆ-ին հասնելու կոչի
դեմ, արդյունաբերության կառավարումը
վերակառուցելու և այլ կարևոր միջոցա-
ռումների դեմ:

ՍՄԿՊ Կենտկոմի Հունիսյան պլենումը
(1957 թ.) մեկ անգամ ևս ցուցադրեց սովե-
տական ժողովրդի սերտ համախմբվածու-

— 42 —

թյունը, անխորտակ միասնությունը իր հա-
րազատ Կոմունիստական պարտիայի, նրա
մարտական շտաբ՝ Կենտրոնական Կոմիտեի
շուրջը: Պարտիան համարձակ կերպով պայ-
քար մղեց Ի. Վ. Ստալինի անձնավորության
գաղտնամունքի դեմ, որը մեծ վնաս հասցրեց
Կոմունիստական շինարարության գործին,
դատապարտեց իր գործունեության վերջում
նրա թույլ տված սխալները, նպատակ ունե-
նալով բացառել նման սխալների կրկնվելու
հնարավորությունը: Պարտիան մեծ աշխա-
տանք կատարեց պարտիական կյանքի լե-
նինյան նորմաների, կոլեկտիվ ղեկավար-
ման սկզբունքների, սոցիալիստական օրի-
նականության խախտումները վերացնելու
ուղղությամբ:

Այդ բոլոր միջոցառումները է՛լ ավելի ամ-
րապնդեցին մեր պարտիան, է՛լ ավելի բարձ-
րացրին նրա հեղինակությունը աշխատա-
վոր մասսաների շրջանում:

Այս հանդիսավոր օրերին, սովետական
ժողովուրդը հիացմունքով է նայում Կոմու-
նիստական պարտիայի ղեկավարությամբ իր
անցած 40-ամյա տեղուն և հպարտա-
նում է իր ազատ ու երջանիկ Հայրենիքի
համար, սովետական բազմազգ պետության
համար, սոցիալիզմի ու կոմունիզմի կա-

— 43 —

ռուցման գործում ձեռք բերած վիթխարի հաջողությունների համար:

Սովետական Միությանը գտնվում է իր անդամագործական ուժերի, ժաղկման և վիթխարի շրջանում, ընթանում է աննախընթաց վերելքի տեղիով: Նա տեղի այն ամենը, ինչ անհրաժեշտ է լիակատար կոմունիստական հասարակություն կառուցելու համար: Աշխարհում չկա որևէ ուժ, որ կարողանա արգելակել սովետական ժողովրդի անհաղթահարելի առաջընթացը դեպի կոմունիզմ: Այս բոլորի մեջ սովետական մարդիկ տեսնում են կոմունիստական պարտիայի մեծագույն ժառանգությունը և հոգատարությունը ժողովրդի բարօրության նկատմամբ: Նրանք իրենց սիրո և երախտագիտության առաջին խոսքն յուզելով պարտիային, իրենց մշտական պատրաստակամությունն են հայտնում այսուհետև նույնպես առաջ ընթանալու կոմունիստական պարտիայի նշած ուղիով, կոմունիզմի տեղիով:

Մարքսիզմ-լենինիզմի դրոշմով, կոմունիստական պարտիայի առաջնորդությամբ առաջ դեպի կոմունիզմի հաղթանակը:

ՕԳՆՈՒԹՅՈՒՆ ԱԳԻՏԱՏՈՐՆԵՐԻՆ

ԹԵՄԱՆԵՐ ԵՎ ԳՐԱԿԱՆՈՒԹՅՈՒՆ ՀՈԿՏԵՄԲԵՐԻ ԱՆ ՌԵՎՈՅՈՒՑԻԱՅԻ 40-ԱՄՅԱԿԻ ՄԱՍԻՆ ԱԳԻՏԱՏՈՐՆԵՐԻ ԶՐՈՒՅՑՆԵՐԻ ՀԱՄԱՐ

1. ՀՈԿՏԵՄԲԵՐՅԱՆ ՍՈՑԻԱԼԻՍՏԱԿԱՆ ՄԵՇ ՌԵՎՈՅՈՒՑԻԱՅԻ 40-ՐԴ ՏԱՐԵԴԱՐԶԸ

Գրականություն

Վ. Ի. ԼԵՆԻՆ—Պրոլետարիատի խնդիրների մասին լայն ղեկավարություն, Երկեր, հատոր 24, էջ 1—9, Հայպետհրատ, 1951:

Վ. Ի. ԼԵՆԻՆ— Ինչ է Սովետական իշխանությունը, Երկեր, հատոր 29, էջ 295—296, Հայպետհրատ, 1951:

Վ. Ի. ԼԵՆԻՆ— Հոկտեմբերյան ղեկավարության շուրջ տարեդարձի առթիվ, Երկեր, հատոր 33, էջ 37—48, Հայպետհրատ, 1952:

Սովետական Միության կոմունիստական պարտիայի ճիգուն տարին (1903—1953), Հայպետհրատ, 1953:

Հոկտեմբերյան Սոցիալիստական Մեծ ղեկավարության քառասունամյակի առթիվ (1917—1957) ՍՄԿՊ Կենտկոմի պրոպագանդայի ու ագիտացիայի բաժնի և ՍՄԿՊ Կենտկոմին առընթեք Մարքսիզմ-լենինիզմի ինստիտուտի քեզիսնեք, տպագրված «Ս. Հ.»-ի 1957 թվականի սեպտեմբերի 17-ի և 18-ի համարներում:

2. ՀՈԿՏԵՄԲԵՐՅԱՆ ՍՈՑԻԱԼԻՍՏԱԿԱՆ ՄԵԾ
ՌԵՎՈԼՅՈՒՑԻԱՅԻ ՀԱՄԱՇԽԱՐՀԱՑԻՆ
ՆՇԱՆԱԿՈՒԹՅՈՒՆԸ

Գրականություն

Վ. Ի. Լենին— Ձեկուցում Արևելքի ժողովուրդների
կոմունիստական կազմակերպությունների Համառու-
սաստանյան 2-րդ համագումարում, 22 նոյեմբերի 1919
թ., Երկեր, հատոր 30, էջ 174—190, Հայպետհրատ,
1951:

Վ. Ի. Լենին— Պրոլետարիատի խնդիրների մասին
ավյալ ռեկուցիայում, Երկեր, հատոր 24, էջ 1—9,
Հայպետհրատ, 1951:

Վ. Ի. Լենին— Հոկտեմբերյան ռեկուցիայի շուր-
ամյա տարեդարձի առթիվ, Երկեր, հատոր 33, էջ
37—48, Հայպետհրատ, 1952:

Ի. Վ. ՍՏԱԼԻՆ— Հոկտեմբերյան ռեկուցիայի մի-
ջազգային բնույթը, Երկեր, հատոր 10, էջ 271—284,
Հայպետհրատ, 1949:

3. ԿՈՄՈՒՆԻՍՏԱԿԱՆ ՊԱՐՏԻԱՆ ՀՈԿՏԵՄԲԵՐՅԱՆ
ՍՈՑԻԱԼԻՍՏԱԿԱՆ ՄԵԾ ՌԵՎՈԼՅՈՒՑԻԱՅԻ
ԿԱԶՄԱԿԵՐՊԻՉՆ Է

Գրականություն

Վ. Ի. Լենին— Բոլշևիկները պետք է վերցնեն իշ-
խանությունը, Երկեր, հատոր 26, էջ 1—4, Հայպետ-
հրատ, 1951:

— 46 —

Վ. Ի. Լենին— Հոկտեմբերյան ռեկուցիայի շուր-
ամյա տարեդարձի առթիվ, Երկեր, հատոր 33, էջ
37—48, Հայպետհրատ, 1952:

Վ. Ի. Լենին— Ձեկուցում պատերազմի և հաշտու-
թյան մասին (ՌԿ(Բ)Պ յոթերորդ համագումարը),
Երկեր, հատոր 27, էջ 87—116, Հայպետհրատ, 1951:

Ն. Ս. ԽՐՈՒՇՉՈՎ— Ձեկուցում պարտիայի XX հա-
մագումարին, Հայպետհրատ, 1956:

Հոկտեմբերյան Սոցիալիստական Մեծ ռեկուցիայի
ֆառանամյակի առթիվ (1917—1957) ՍՄԿՊ Կենտ-
կոմի պրոպագանդայի ու ագիտացիայի բաժնի և
ՍՄԿՊ Կենտկոմին առընթեր Մարքսիզմ-լենինիզմի
ինստիտուտի րեզիսները, տպագրված «Ս. Հ.»-ի 1957
թվականի սեպտեմբերի 17-ի և 18-ի համարներում,
գլուխ 5-րդ:

4. ԿՈՄՈՒՆԻՍՏԱԿԱՆ ՊԱՐՏԻԱՆ ՄԵՐ ԲՈԼՈՐ
ՀԱԶՈՂՈՒԹՅՈՒՆՆԵՐԻ ԿԱԶՄԱԿԵՐՊԻՉՆ Է

Գրականություն

Սովետական Միության Կոմունիստական պարտիայի
ճիսուն տարին (1903—1953), Հայպետհրատ, 1953:

Ն. Ս. ԽՐՈՒՇՉՈՎ— Ձեկուցում պարտիայի XX հա-
մագումարին, Հայպետհրատ, 1956:

Պարտիայի լենինյան միասնությունը անխառնակ-
 քի է, «Պրավդա»-ի 1957 թվականի հուլիսի 5-ի ա-
 ռաջնորդողը, տպագրված «Ս. Հ.»-ի նույն թվականի
 հուլիսի 6-ի համարում:

5. ԿՈՄՈՒՆԻՍՏԱԿԱՆ ՊԱՐՏԻԱՆ ԱՆԴԱԴՐՈՒՄ
 ՀՈԳ Է ՏԱՆՈՒՄ ԺՈՂՈՎՐԴԻ ՆՅՈՒԹԱԿԱՆ ԵՎ
 ԿՈՒՆՏՈՒՐԱԿԱՆ ՊԱՀԱՆՋՄՈՒՆՔՆԵՐԸ ԼԻՈՒԼԻ
 ԲԱՎԱՐԱՐԵԼՈՒ ՀԱՄԱՐ

Գրականություն

Ն. Ս. ԽՐՈՒՇՉՈՎ.— Սովետական ժողովրդի նյութա-
 կան բարեկեցության և կուլտուրական մակարդակի
 բարձրացումը, ՍՄԿՊ XX համագումարին տված զե-
 կույցումից, էջ 108—121, Հայպետհրատ, 1956:

Հետպատերազմյան ժամանակաշրջանի սոցիալիս-
 տական շինարարության առյուծմեծերը և սովետական
 ժողովրդի խնդիրները կոմունիզմի համար մղվող
 պայքարում, Հոկտեմբերյան Սոցիալիստական Մեծ
 ռևոլյուցիայի բառասնամյակի կապակցությամբ հը-
 րապարակված թեզիսներից, տպագրված «Ս. Հ.»-ի
 1957 թվականի սեպտեմբերի 18-ի համարում:

— 48 —

6. ՍՈՎԵՏԱԿԱՆ ՀԱՅԱՍՏԱՆԸ ՄԵՇ
 ՀՈԿՏԵՄԲԵՐԻ ԾՆՈՒՆԴՆ Է

Գրականություն

Վ. Ի. ԼԵՆԻՆ.— Ինչ է Սովետական իշխանությունը,
 Երկեր, հատոր 29, էջ 295—296, Հայպետհրատ, 1951:

Վ. Ի. ԼԵՆԻՆ.— Աղբյուրների, վրաստանի, Հայաստա-
 նի, Դաղստանի, Լեռնականների ռեսպուբլիկայի կոմու-
 նիստ քննկերներին, Երկեր, հատոր 32, էջ 402—405,
 Հայպետհրատ, 1952:

Ի. Վ. ՍՏԱԼԻՆ.— Կեցցե՛ք Սովետական Հայաստանը,
 Երկեր, հատոր 4, էջ 458—459, Հայպետհրատ, 1948:

Ս. Հ. ԹՈՎՄԱՍՅԱՆ.— Վերածնված ժողովուրդը,
 տպագրված «Ս. Հ.»-ի 1957 թվականի սեպտեմբերի
 19-ի համարում:

СОДЕРЖАНИЕ

Стр.

МАТЕРИАЛЫ ДЛЯ ДОКЛАДОВ

40-летие Великой Октябрьской социалисти-
 ческой революции 11

В ПОМОЩЬ АГИТАТОРАМ

Темы и литература для бесед агитаторов
 о 40-й годовщине Великой Октябрьской
 социалистической революции 45

Խմբագիր՝ Վ. ԲՋՆՈՒՆԻ

Отдел пропаганды и агитации
ЦК КП Армении
БЛОКНОТ АГИТАТОРА
№ 19 1957 г.

Վ.Յ. 08943

Պատվեր 720

Տիրաժ 8510

ՀՍՍՌ Կուլտուրայի մինիստրության հրատարակչու-
թյունների և պոլիգրաֆ արդյունաբերության գլխավոր
վարչության II տպարան, Երևան, Կոմունյանցի № 8,
Գինը 50 կոպ.